

Gataifale Faasao i Fagatele

Faamatalaga mo le asiasi atu i Fagatele

Faamatalaga mo lou silafia:

O le Gataifale Faasao i Fagatele e tatala mo tagata lautele i le tausaga atoa.. O le-nei faga e tusa ma le kuata maila faatafafa lona tele, ma o loo puipui ai figota, i'a ma 'amu - ma ua avea ai Fagatele ma se gataifale faasao o loo tumau pea lona tamaoaiga ma le tele o meaola o loo maua ai. O Fagatele fo'i na matua'i lavea ma afaina i faalavelave faa-le-natura sa aafia ai Amerika Samoa i ni tausaga ua mavae. A fia asiasi i le tuloto i Fagatele, e mafai ona malaga atu i vaa (totogi lava e le tagata) poo le ui atu foi i Futiga. O le fanua o loo ui atu ai i Fagatele, o ele'ele faasino i le aiga Ulufale Fuimaono. O le aga'i atu i Fagatele e ui atu lea i Futiga, aga'i atu i le mea o loo iai le faatafunu, ona agavale lea pe a te'a le lapisi ma aga'i atu ai loa se'ia pa'ia se faitoto'a u'amea (gate). O le fale o loo tu ai i le mea o loo iai lenei faitoto'a o le fale o l□ o loo vaaia fanua o le aiga - o lona suafa o Asuemu Fuimaono.

Faiga e ao ona fai pe a fia asiasi i le faga

O Asuemu Fuimaono ua filifilia e le Sa'o o le latou aiga (Ulufale Fuimaono) e vaavaaia le asiasi atu o tagata lautele i Fagatele. O □ uma lava e fia asiasi i Fagatele e tatau ona fesoota'i muamua ma le susuga ia Asuemu ae le'i pa'ia le faitoto'a, faamau lou suafa i le 'api ma talia le tufatufaina oni faamatalaga e uiga i le faga. O le faaogaina o taavale afi e le faatagaina se'i vagana ua iai se fa'atagana ma ni aiaiga mai ia Asuemu. O le mamao o le faitoto'a mai le faailo muamua i luga atu o le mati'e aga'i i le faga e 2 kilomita. O le isi 1.5 kilomita e mai le faailo lea se'ia taunu i le faga.

E mafai fo'i ona asia Fagalua/Fogamaa faapea le aga'i mai Taputimu ile mamao tuu-faatasi o le 5 kilomita. E leai se tupe e totogi e asiasi atu ai i Fagatele.

Itula Faatulagaina mo Asiasiga

Aso Gafua - Aso Faraile, 7.30 ile taeao - 4.00 ile afiafi ma le **aso To'ana'i**, 7.00 ile taeao - 2.30 ile afiafi. E **tapunia la tatou faga i aso Sa**, se'ia vagana o ni asiasiga faapitoa e faalauiloa mai ile 48 itula ile Pulega a Fagatele. **Malae e faatu ai taavale** -O taavale uma e tatau ona faatutu ise nofoaga i totonu o le fanua o Asuemu Fuimaono. E le mafai ona tuuina ni taavale ile po atoa poo tua atu o taimi ua faatulagaina.

Pe a Taunu i le Faga

E talosaga atu i tagata asiasi uma ina ia aloa'ia le taua o le puipuiga o tatou puna'oa mai o tatou gataifale. O le taumafaiga e faataua ma puipui le tatou tamaoaiga mai le sami o le a mafai ai ona faatupula'ia pea le matagofie o lenei faga.

O taimi uma lava tatou te asiasi atu ai ile gataifale, e molimauina le matagofie ma le manaia o figota, i'a ma 'amu o loo iai. E faamanatu atu e le Ofisa Autu o Gataifale Faasao a le Malo Tele e faapea; o tagata uma lava e asiasi atu i nei nofoaga faapitoa, o i latou ia e tatau ona tausia lelei le gataifale ma mea o loo iai.

Fesoasoani 'e faamama le otaota

O lapisi lafoa'i e tagata ta'itasi o se faafitauli tele lea ile olaola lelei o tatou puna'oa. E manaia le 'ave o se taga lapisi aua le tuuina iai o otaota maua i luga o le 'aula sopo, faapea ai ma totonu o le sami. Ua faamaonia le aafia o figota, i'a ma 'amu mai otaota ua maua o upeupea i luga o le sami.

O mea e ao ona fai pe a masalomia ni uiga le talafeagai o ni isi.

Faailoa mai pe a fai ua e silasila atu i ni uiga faaletatau a ni isi e aafia ai le saogalemu o meaola o le gataifale. Ia amio pulea, faaaloalo pe a talanoa ma isi. Afai ete faafoeina se vaa, faamolemole faalemu le alu o lau vaa, ia taula mamao ma 'amu. O le le faautagia o tulafono o le gataifale o le a mafai ai ona molia oe i le tulafono...Ia fai oe ma faata'ita'iga lelei i isi tagata, ile tausi lelei lea o tatou gataifale ma le si'osi'omaga.

Lavalava e tatau ona fai

La'ei i ni ofu māmā. La'ei mo le taumafanafana—seevae, ofuvae pupuu ma mitiafu lima pupuu. Afai ete fia savali aga'i i le faga, ona fai lea o ni seevae e puipui ai uma ou vae. E tele naua maa ma'ai e ao ona leaganofie ai seevae e le talafetaui ma le ala i Fagatele. A fia tofutofu, tau aao mai sau mata ma se mea manava.

FAAALIGA: O le aganuu a Samoa e le soona faaalialia le tino. E le talafeagai le fai o se ofu ta'ele, e tai pei o ni bikini.